

義甯州志卷第三十七

雜類志

蘭臺蓬觀秘笈靡涯諾臯克俎侯鯖列膜識大識小汗青陸  
離况茲仙釋厥品瑰奇古碑磊磊芳架留遺災祥休咎洪範  
稽疑稗官野史其味亦佳俛仰陳迹寓目開懷旁搜博采百  
氏與儕志雜類

仙釋 仙

晉

丁義豫章縣人與吳猛同邑精醫術猛年四十義授以神方遂  
以羽扇渡豫章江女秀英幼靈慧師吳綵鸞通翰墨聞父與

義甯州志

卷三十七

雜類志仙

吳猛講論丹術輒注聽忘倦義手錄秘書秀英竊視之即洞  
解元理謁諶母得九還要道遂藏修於白鶴山後乘鶴仙去  
玉泉志曰高安縣調露鄉白鶴山下有崇元觀梁太清二  
年置晉丁義真君女秀英煉丹之所今石圍中有丹井及  
仙去墓衣冠於觀北俗云丁仙姑塔是也 按吳猛傳邑  
人丁義授以神方則義為豫章縣人明矣通志編入高安  
與正史不合又載高安有白鶴山為秀英燒丹之所遂以  
丁氏為高安人仙家雲遊無定何必附會耶

吳猛字世雲家豫章郡之西安縣故宅在奉仙鄉東津山下後

呼為吳仙里

按晉太康中改西安為豫章縣晉書本傳吳猛豫章人無令西安事舊志載濮陽人仕吳為西





安令因家焉與正史不合七歲時事父母以孝聞夏日嘗手不驅蚊懼其

去己而噬親也陶潛搜神後記曰猛性至孝小兒時在父母

問其故答曰懼蚊蟲去嗜我父母爾及父母終行服墓次蜀

賊縱暴焚燒邑屋發掘墳壠民人逆竄猛在墓側號痛不去

賊爲之感年四十邑人丁義始授其神方既得復師南海太

守鮑靚因語至道將遊鍾陵江波浩渺以羽扇畫水而渡觀

者奇之晉書本傳云猛受了義神方因還豫章江波甚吳黃

龍中天降白雲符授猛猛以道術大行於吳晉之間猛同縣

鄒惠政迎猛夜於庭中焚香忽有虎來抱政兒超籬去猛語

云無所苦須臾當還虎去數十步忽然復送兒歸政遂精進

乞爲好道士見搜神後記豫章縣南山有石直立水中峻嶒千仞

義甯州志

卷三十七

雜類志仙

猿猴不能至猛乃策杖升之令二弟子隨後忽若平路又縣

東鄉呂里山中有石筍磨伐不能開猛往遂得發之多有石

牒古字弟子莫能曉猛亦不言弟子數十人合力舉蓋不動

如山猛一手提蓋無重焉吳猛別傳西安令干慶死三日往哭之

因云令長固未合死當爲訟之遂卧慶尸之旁時方盛暑尸

已壞爛數日與慶俱起弟著作郎寶感其兄還魂之異及父

妾再生事因撰搜神記幽明錄晉有干慶者無疾而終猛語

可殞殮尸卧靜舍惟心下稍暖居七日猛凌晨至以水激之

日中許廣蘇焉旋遂張目開口尚未發聲闔門皆悲喜猛又

令以水含灑乃起吐血數升兼能言語三日平復初見十數

人來執縛桎梏到獄同輩十餘人以次旋對俄見吳君北面

陳釋王遂勅脫械令歸所經官府皆見迎慶好獵猛屢諫不

接吳君而吳君與之抗禮不知是何神也



聽後慶大獵四面引火烘天猛坐草中自若鳥獸依負左右  
火不能及慶大駭因是悔見學道傳王啟嘗召吳猛猛至江口入

水中命船人並進船至大雷見猛行水中從東北還船從第  
子問其故猛云水神數興波浪賊害行旅暫過約敕以真珠

一握為信見幽明錄一日狂風暴起猛乃書符擲於屋上有一青

鳥啣符而去須臾風定人或問之答曰南湖有遭此風者其

中有二道士呼天求救以此拯焉尋訪果如所述又道士舒

道雲病瘧七年猛授以三皇詩使諷之頓愈猛過廬山山神

迎猛猛語曰君王此山近六百年符命已盡不宜久居非據

因贈詩云仰矚列仙館俯察王神宅曠載暢幽懷傾蓋付三

義甯州志

卷三十七

雜類志仙

三

益見水經注廬山上有三石梁長數十丈廣不盈尺杳然無底太平

寰字記云廬山有三宮上宮在岩表人不能及有三石梁其下虛懸即吳猛遇仙處猛將弟子登山過

此梁見一翁坐桂樹下以玉杯盛甘露漿與猛又至一處見

數人為猛設玉膏猛弟子竊一寶欲以來示世人梁即化如

指猛使送寶還手牽弟子令閉眼相引而過述異記云猛既

處見金房玉宇輝彩炫目猛過石鐘山遇天神曰此江神不守其官覆溺

生人吾奉帝命案之言終而失見海陽記庾亮為江州刺史嘗遇

疾聞猛神異乃迎之問已疾何如猛辭以算盡請具棺服旬

日而死形狀如生未及大殮遂失其尸識者以為亮不祥之

徵亮疾果不起見學道傳猛後於西安乘白鹿寶車冲虛而去真



通鑑云孝武帝甯康二年真君上昇世雲復還西安是年十月十五日上帝命真人周廣捧詔召世雲遂乘白鹿車與弟子四人白晝冲昇

宅號爲紫雲府

宋徽宗政和時封神烈真人

吳綵鸞猛之女也晉時隨父昇仙唐太和末書生文簫客鍾陵西山其俗以中秋爲許旌陽上昇日士女羣集游帷觀簫亦往觀焉見一姝歌曰若能同步陟仙壇應許文簫嫁綵鸞自有繡襦並甲帳瑤臺不怕雪霜寒生大驚異因伺之夜分姝與三四輩告别獨秉燭穿大松林去徑盡陟山捫石冒險而昇焉生亦潛躡其後燭將盡有仙童輩持松炬迎之生因失聲姝回首曰非文簫耶曰然姝笑曰吾與子數未合何太速生隨至山頂有几案帷幄金爐異香侍衛甚嚴與生坐定有

義甯州志

卷三十七

雜類志仙

四

二仙娥各持簿書而前指江湖覆溺事生因徵其事姝不對生請益堅不得已乃告之曰此天機不合洩於子吾當爲子得罪矣仙娥卽去忽天地晦冥風雷震擊帷幄几案一時傾覆姝倉皇著衣秉簡叩齒肅容俯地待罪俄而風雨頓息星宿燦然有仙童自天而降持天判宣曰吳綵鸞以私欲而洩天機謫爲民妻一紀遂與生夜攜下山歸鍾陵舊處生貧不能自贍姝曰君具紙筆我爲寫孫恂唐韻運筆如飛日得一部鸞之獲錢五緡盡又爲之將十載人稍有知之者姝與文簫潛奔新吳縣藥王山側鄒舉村中一日題詩壁間別鄒舉云一班復一班隱入葯王山世數今逃盡烟蘿得再還簫聲



凝露滴鶴翅接雲間一粒仙人葯服之能駐顏夫婦各跨一  
虎入藥王山而留仙丹一粒遣舉服之亦得却老今洪都城  
南紫極宮寫韻軒爲寫韻處是也

真仙通鑑

唐裴硯傳奇錄曰鍾陵西山有游帷觀每至中秋車馬喧  
闐十里若闐闐豪家貴遊多召名姝善謳者夜與丈夫間  
立握臂連踏而歌以應答敏捷者爲勝唐太和末書生文  
簫得遇仙姝吳綵鸞卽踏歌之辰也 黃庭堅跋綵鸞唐  
韻云右仙人吳綵鸞書孫恂唐韻凡三十七葉此唐人所  
謂葉子者也按綵鸞隱居鍾陵西山所書唐韻民間多  
有余所見凡六本此一本二十九葉綵鸞書其八葉後人

義甯州志

卷三十七

雜類志仙

五

所補氣韻肥濁不相入也 虞道園曰余昔在圖書之府  
往往見綵鸞所寫唐韻凡三四本皆硬黃書之紙素方潔  
界畫精整結字遒麗神氣清明要皆人間之奇玩劉會孟  
曰凡吳氏唐韻皆反復作葉子書朱墨分部精楷婉麗開  
玩如新陸放翁筆記永康軍導江縣有迎祥寺藏唐女真  
吳綵鸞書佛本行經記六十卷吉安府志載唐天寶間綵  
鸞曾遊安城福聖寺手植兩羅漢柏觀音閣前入小室中  
七日寫法苑珠林百二十軸一夕去不知所往其紙粘連  
處至今不斷絕綵鸞更有此一奇也傳稱綵鸞與文簫遇  
在文宗太和末而法苑珠林則寫於天寶年間豈神仙隱



顯原非時代之可限與

許遜字敬之南昌人聞西安大洞君吳猛得至人丁義神方乃往師之傳三清法要與猛煉神丹於艾城之黃龍山山湫有蛟魅護爲淵藪輒作洪水欲漂丹室遜遣神兵擒之釘於石壁丹成祭於幕阜葛仙翁石室遂至修水愛其湍急而味堅乃取神劍磨於澗石之旁尋渡水登秀峰特爲壇於峯頂以酌謝上帝乃服仙丹吳君居近焉遂造吳君之宅過西安縣途經縣西小廟有迎告者曰此有蛟孽害民知仙君來往鄂渚避矣後將復還願與斯民除之遜知其爲廟神也如其言躡跡至鄂渚路逢三老人驚顧悚惕見遜至皆趨謁云蛟伏

義甯州志

卷三十七

雜類志仙

六

前橋下請君亟除之遜至橋側仗劍叱之蛟驚奔入江匿於淵乃勅吏兵驅之蛟從上流奔出遂誅之遜怒西安社伯之不職錮其祠門止民享祀令祀小廟遜嘗得寶劍於梅山下永嘉末海昏有巨蛇噓氣吸人吞噬甚眾遜與猛仗劍斬之乃由艾城至海昏法北斗七星立七靖井以鎮蛟蜃自爲之贊

董晉字混成豫章縣人素業治兄弟三人從許遜捕蛟二兄遇害晉益感憤遂授以祕法遂精道術卒助遜周行郡邑驅逐至縣西安平潭殲之鄉人就其故居立廟祀焉唐勅封際真護法白馬忠懿侯王廟曰白馬又曰三聖



劉真人逸其名煉丹於西安黑石靖許旌陽逐蛟道修水望山中紫氣鬱葱曰此必異人舍其下因物色得之相與爲友

章杭

山千秋  
觀記

葛仙翁名元字孝先江南勾容人嘗煉丹於幕阜山石室几案棋局皆石爲之晶瑩可玩俗號爲八閣樓石壁上有禹刻蝌蚪書從孫洪字稚川亦好神仙導養之術晉元帝時辟爲丞相掾以平賊功賜爵關內侯咸和初選爲散騎常侍不就求爲勾漏令曰非欲爲榮以有丹耳乃於羅浮山煉丹優游閒養著內外篇號抱樸子又嘗遊幕阜山居其祖仙翁石室三載著幕阜山記瓊田草經又煉丹於太平鄉之梅山爐竈宛

義甯州志

卷三十七

雜類志仙

七

然仙傳  
拾遺

唐

崔道人自分甯攜一稚子一犬遊洪州寓修仁坊值城大疫道人以丹擲井折柳示人汲飲病者立愈後人卽所居祀之離其姓曰佳山廟卽今佳山福地古槐一株世傳道人手植唐憲宗嘗得奇疾諸醫罔效忽見道人賣藥於都市進一粒而愈問其姓氏曰臣豫章縣人崔姓俄不知其所往遣使覓之乃於此地得崔公祠詔封英烈侯使者因範其像道人巾服稚子加冠帶呼太子犬旁侍或曰道人名子玉晉時人

新建縣志

及諭以正  
佳山廟記



呂崑河東人禮部侍郎渭之孫兩舉進士不第去遊廬山遇異人得長生訣多遊湘潭鄂岳後往黃龍禪院參法過岳陽題沁園春一闕云昨日南宮今朝天岳倏然忽然把洞庭爲酒渴來浩飲君山作枕醉後高眠出入無拘往來何礙半似風狂半似顛隨見處一襟風月兩袖雲烟飄蕩多年再準擬東華第一筵把珊瑚劈碎栽吾琪樹黃河放淺種我金蓮搥碎玉山翻成海島便稽首虛皇御前無難了功成八百行滿三千題畢到黃龍參超慧禪師論法留一劍而去並題詩二首

詩載  
藝文

南唐

義甯州志

卷三十七

雜類志仙

八

余甯仲光祿公良肱之高祖也時居安平鄉嘗一寒士造之求飲甯仲樂與不吝歷數載旣而聚米數斗釀酒酒熟浴於其中且以報主人甯仲竊視其不潔其人乃自飲畢棄其糟於地著石盡赤乃復謂甯仲曰某谷中泉甘土肥可居茅生長二尺者是其處也某塢中紫雲起處可爲宅址遂謝去數步忽不見故當時謂之仙云

敖揚二真人修煉於崇鄉攝仙山有顯跡後人建廟祀之程坊

水口文昌閣亦其遺址

山川志

趙道昌紹興間結茅於逍遙山大板尖與白真人種藥採芝葆真養性深得吐納之術時有陶姚二真人自九宮山來與廖



永黃郭四真人講明金液還丹之要分駐逍遙各立道場稱  
八仙焉

元

周靜菴良溪人曾遊闔阜山修煉得道至元間大旱祈雨有驗  
一旦告眾欲逝偈曰七十二年人間寄跡吾今去也水天同

碧

明

黃中理文節公八世孫也弱冠爲光州固始尉尋患風痺遂棄  
官歸有神師號金華君者謂曰吾能療汝疾疾愈當爲道士  
弗聽吾將去中理曰倘能起廢疾爲全人幸莫大焉敢不受

義甯州志

卷三十七

雜類志仙

九

命金華君以帛裹其體炳灼之越七日起行周旋如故乃棄  
家學老子法於欽天瑞慶宮宮在興國縣九宮山居十年餘  
遂主其徒明太祖平江漢拜迎於鄂應對稱旨後八年復召  
至京寵勞甚至既退命儀曹設宴饗之及歸曾魯宋濂賦詩  
以餞宋學士文集

余敬宣庠生弟甫宣西鄉上源人父充任甯波經歷死難兄弟  
乘舉業學道歲早禱雨輒應里中大疫書符立愈鄉人感其  
德卒之日肖像祀之屢著靈異

國朝

莫文璧武鄉人增廣生性恬靜精黃老術於性命圭旨南華經



諸書洞奧周閩卒後十年同邑扶乩到壇書曰不駕雲不跨鶴任是凡夫猜無着昨如今今如昨水底葫蘆摸一摸非囊又非橐有些稜角樂樂樂剖而食之長生藥也不管淡雨掃窻也不管春花零落等到甲子杖頭容我去蓬瀛高閣以是知其仙去

楚北黎輔賢得辟穀術道光間隱居黃龍山龍湫側石室虎豹巨蛇過而不驚虎蛇亦不爲害衣夾衫四時不更無蟣虱嚴冬冰結頂足趺坐不動人以爲死逼視之乃張目與人言歲大旱鄉人禱雨不應請於輔賢誦經未畢甘霖立霑石室修煉數載人未見其寢食忽臘底語相識者曰明年上元我坐

義甯州志

卷三十七

雜類志仙

十

化時也俟秋深求以大缸瘞我於岩側至期往視果然舉屍如蛻土人斂葬銘其墓

劉光喜武鄉二十七都人幼時性不喜葷遇食生物則走避之及長往鄰家見善書若干卷輒披閱朗誦不忍釋手旋移居靈石菴修煉經年不食數月而去里人塑像供奉求禱甚應嘗有一小兒病危忽異人至以水灌之立愈其丰采言論髯鬚光喜蓋其化身云

鍾星德安鄉人生不食葷八歲能孝父母沒後修真居金峯寺里中士子樂就講明聖賢義理年六十解形去遊天柱山躋黃龍絕頂跏坐神仙巖不食烟火朝飲水漱池夜馴虎豹尋



羽化霞彩繽紛紅光燦起上繞天半旬日樵牧經過道貌岸  
然聚鄉邨父老拜謁如生時同治丙寅六月云

義甯州志

卷三十七

雜類志仙

十一



釋

唐

道一禪師漢州什邡人姓馬氏故稱馬祖得法於南嶽懷讓開元中自建陽佛跡嶺遷臨川次至南康龔公山學者雲集一日謂眾曰汝等諸人各信自心是佛此心卽是佛心達摩大師從南天竺國來躬至中華傳上乘一心之法令汝等開悟夫求法者應無所求心外無別佛佛外無別心不取善不捨惡淨穢兩邊俱不依著汝但隨時言說卽事卽理都無所礙菩提道果亦復如是於心所生卽名爲色知色空放生卽不生若了此意乃可隨時著衣喫飯長養聖胎任運過時更有

義甯州志

卷三十七

雜類志釋

十一

何事僧問和尙爲什麼說卽心卽佛師云爲止小兒啼僧云啼止時如何師云非心非佛僧問如何是西來意師云卽今是什麼意大歷四年開道場於鍾陵開元寺號選佛場道一嘗至分甯武鄉之龍巖棲禪四載今號馬祖巖過修水口飛葦而渡今稱馬祖湖貞元四年二月一日沐浴跣趺而逝元和二年賜諡大寂禪師塔曰大莊嚴之塔

傳燈錄

倚遇禪師自楚至修水訪定禪地上旌陽磨劍池忽見佛光西耀左右堯羅錦雲異彩竒幻循踪而至得一殊域山不峻而秀水不波而曲飛錫一聲玉澗泉湧遂誅茅縛屋單丁三十年住法昌山人無知者一日騎白鹿縱游諸山遠近詫愕信



爲神仙咸膜拜於是參求內學者日衆南禪師者名僧也孤  
行至法昌倚遇方栽松南公曰小院栽許多松作麼遇曰臨  
濟到底南公指石曰這裏何不栽遇曰功不浪施南公曰也  
知無下手處遇指石上松曰從什麼處得來南公大笑曰蒼  
天蒼天遇曰然不然後說法十餘年示寂鼻垂玉筋二尺是  
文院中諸僧夢普賢佛騎白象往印度云常有法身頌曰螺  
螯吞大象石虎咬番馬驚起段家龍踏破雲屋瓦僧寶傳及石門文字  
傳

伏虎禪師澄心院利相禪師法嗣佚其名常以道行伏虎故稱  
伏虎禪師鄉民生敬其經行死奉其香火遺基巋然青龍山

義甯州志

卷三十七

雜類志釋

十一

水旱輒禱之

山谷興化禪院記

曇晟號無住鍾陵建昌王氏子生有自然胎衣右袒猶緇服少  
出家於石門寺初侍百丈繼參葑嶠德宗貞元二年結茅常  
洲亥帝宗風遠振是爲雲巖寺開山首座會昌元年歸寂茶  
毘得舍利一千餘粒瘞於鳳凰山麓大中末勅諡無住大師

淨勝之塔

雲巖志

超慧和尚字誨機黃龍之鼻祖也聚徒行化道勝一時僧曰如  
何是大疑的人曰對坐盤中弓落蓋又問如何是不疑的人  
曰再坐盤中弓落蓋又問風恬浪靜是如何曰百尺竿頭五  
兩垂凡所答問皆出元妙呂洞賓從岳陽來問一粒粟中藏



世界半升鐺內煮山川如何曰汝只煮得鐺裏的鐺外的煮不得洞賓去超慧曰彼必飛劍來取老僧頭眾皆驚訝忽雙劍飛來超慧喝之墮地超慧傳慧南慧南傳祖心祖心傳惟清悟新黃龍遂爲江西名刹舊志

司馬頭陀者黃龍超慧禪師典座也常汲水見一靈龜出見每滌箕時龜來食飯後頭陀汲則置飯於桶以給久之頭陀忽夢龜作言曰承飯養恩吾今去矣公明日將有目痛厄頭陀不憚龜曰無慮我流涎沫在井上公當以涎點之卽安且可左觀天文右察地理也次日頭陀果目痛往井上視之龜不見惟涎沫遺石如言取點右目痛尤不可耐遂弗點已而皆

義甯州志

卷三十七

雜類志釋

四

愈頭陀雲游四方深達形家之旨凡遇勝地皆有鉗記後至百丈爲大智禪師扞地被地神殛死大智偈曰神眼頭陀芒屨五兩生寄黃龍死歸百丈黃龍志

宋

慧南和尚嘗參法黃龍後因雲峯悅和尚指見石霜圓慈明明曰公學雲門禪必善其旨如雲放洞山三頓棒是有喫棒分無喫棒分南曰有喫棒分明莊色曰從朝至暮鵲噪鷄鳴皆應喫棒次日又詣明詬罵不已南曰罵豈慈悲法施也明日汝作罵會邪南於言下大悟室中嘗示三問勘驗學者莫契其旨叢林目之爲黃龍三關



祖心和尙參雲峯悅三年無所得辭去悅曰必往依黃檗南和尙師至黃檗四年不大發明又辭去因閱傳燈錄僧問多福如何是多福一叢竹福曰一莖兩莖斜曰不會福曰三莖四莖曲心於此開悟徹見二師用處徑回黃檗方展坐具南和尙曰子已入吾室矣心踴躍曰大事本來如是和尙何得教人看話百計揆尋南曰若不教汝究尋到無心處自見自肯卽吾埋沒汝也任持黃龍一十二年王韶在熙河日多殺人晚知洪州一日見心問曰昔未聞道罪障固多今聞道矣罪障滅乎曰今有人貧時負債及富而遇債主還乎否也韶曰必還曰然則雖聞道矣奈債主不相饒何韶愴然沒葬慧南

義甯州志

卷三十七

雜類志釋

五

塔之東世號雙塔黃山谷爲之銘

豫章志及山谷集 祖心號晦堂亦曰寶覺

寶覺禪師老菴於龍峯之北魯直丁家難相從甚久館於菴之旁兩年寶覺見學者必舉手示之曰喚作拳是觸不喚拳是背莫有契之者叢林謂之觸背關張丞相奉使江西日將造其廬至堯率見悅禪師遽甚稱其門人及見寶覺乃作偈曰久向黃龍山裏龍到來只見任山翁須知觸背拳頭外別有靈犀一點通靈源叟時爲侍者乃作贊其略曰聞時富貴見後貧窮年老浩歌歸去樂從他人喚任山翁魯直大笑曰天覺所言靈犀一點此蕊苜爲虛空安耳穴靈源作贊分雪之是寫一字不著畫

冷齋詩話



按桐江集張商英雄辨詭譎爲江西郡使時參堦率悅禪師甚契之盛談禪理天下謂之相公禪

黃龍寺晦堂老和尚嘗問山谷以吾無隱乎爾之義山谷詮釋

再三晦堂終不然其說時暑退涼生秋香滿院晦堂因問曰

聞木樨香乎山谷曰聞晦堂曰吾無隱乎爾山谷乃服晦堂

此等處誠實灑脫亦只是曾點見解却無顏子工夫此儒佛

所以不同

羅大經鶴林玉露

鄧州永安王南禪師子也未嘗聞法南禪公所至輒隨之魯直

聞其風而悅之恨不及識有自慶者事永甚久即以慶王黃

龍宜州爲作疏語特奇峻叢林於慶改觀又見之與圍多解

休後嗣法南公宜州過永舊菴題其壁曰奪得胡兒馬便休

### 義甯州志

### 卷三十七

雜類志釋

六

休嗟李廣不封侯當時射殺南山虎子細看來是石頭上

惟清和尚自號靈源叟幼聰敏讀儒書究其精微因入黃龍聽

法遂削髮棄俗後主法席參者接踵與山谷先生最善嘗有

詩三絕寄清並死心

詩載藝文

邑宰韓子蒼亦嘗贊清真云鬢鬆

頭卓朔耳一生說法牙無水坐斷龍山四十年學徒來者如

趨市江西老宿半凋零歲晚惟餘此翁耳不須更問何宗解

積翠之孫晦堂子一日升堂說法遽合掌對眾云吾去矣遂

塔於山

靈源禪師居黃龍昭默堂與東湖居士徐師川夜話遂及陳述

古嘗對東坡談禪東坡謂其如說食龍肉且以自所論若食



猪肉實美而真飽也靈源曰此乃東坡早歲趁俊發言不覺負墮當爲明之於是成二偈東坡笑說喫龍肉舌底那知已嚙津能省嚙津真有味會言龍肉不爲珍又何知龍肉卽猪肉細圍閱言盡入神惜彼當年老居士大機曾未脫根塵師川笑曰至哉斯言惜老坡不聞也噫東坡詩有前身自是盧行者之句蓋自知從佛祖中來矣然較所學於述古可謂前言戲之耳靈源欲杜其從而作說者以偈辨明厥有旨哉羅野錄

東湖居士徐俯丁父龍圖憂命靈源於居廬說法源登座問答

已乃曰諸仁者祇如龍圖平日讀萬卷書如水傳器涓滴不

義甯州志

卷三十七

雜類志釋

七

遺且道尋常著在甚麼處而今捨識之後這著萬卷書底又却向甚麼處著公聞灑然有得遂曰吾無憾矣源下座問曰學士適來見箇甚麼便恁麼道公曰若有所見則鈍置和尚去也源曰恁麼則老僧不如公曰和尚是何心行源大笑

悟新和尚游方至黃龍謁晦堂心和尚談辯無所牴牾堂患之偶與語至其銳堂遽曰住住說食豈能飽人新窘乃曰某到此弓折箭盡望和尚慈悲指安樂處堂曰一塵飛而翳天一芥墮而覆地安樂處政忌上座許多骨董直須死却無量劫來全心乃可耳一日聞知事捶行者而迅雷忽震卽大悟趨見晦堂忘納其履卽自譽曰天下人總是參得底禪某是悟



得底堂笑曰選佛得甲科何可當也因號死心叟山谷南遷  
宜州有寄翠巖新禪師詩詩載藝文

德洪一名慧洪字覺範號冷齋新昌彭氏子禪法超詣釋註金  
剛楞嚴圓覺法華四經博通儒書尤工於詩名動京華黃山  
谷贈以詩稱其韻勝不減秦少覲氣爽絕類徐師川韓子蒼  
宰分甯館之雲巖寺寺僧三百各持一幅紙求詩洪握筆立  
就子蒼見之不懌曰詩當少加構思洪笑曰取快吾意而已

江西通志

明

直菴和尚名正侃泰鄉鄆氏子居雲巖寺少悟禪那有戒行四

義甯州志

卷三十七

雜類志釋

六

方賢人君子至則下榻焉敖廉憲李黃門皆贈之以言有曰  
坦坦平平天地間芒屨不踏九嶷山指鸞指鹿求醯者若見  
先生亦汗顏

國朝

永鑑得法於密雲悟嘗參竹篋子話七晝夜寢食不知忽盡  
子墮地作聲大悟密老人贊曰行上立禪爾爲第一囑師  
居山師至分甯奉鄉禪林寺先寺僧聞鐘鼓飛震石巖間  
不數日師坐巖中三載被苫卧薪嘗絕火食與虎出入有  
偈曰與爾爲鄰已一年同林出入不相嫌如何夜半高聲  
吼驚動巖中老衲禪嗣居大湖山結菰踞頂每逢老人生



忌輒閉門哀泣不止旋居法昌寺自靈源數百年來禪道  
衰息師開堂說法法昌四方雲集多至五百餘眾黃龍衲  
子退院敦請駐錫刻有楞嚴法華梵網諸經善本版藏法

### 昌古柏亭

元潔少出家謁瑞白老人於弁山苦參究體弱雖倦死弗輟  
久之豁然大悟復侍老人於天台偶夜覩舍利塢放大光  
明夙慧爽發透澈洞上宗旨授以心印隨訪祖師遺蹟於  
分甯之洞山靜棲樂道枯淡自甘效古睦州奉母計別號  
睦堂己丑秋州牧張朝衡請任雲巖掃十祖無任師祖塔  
恭請上堂有云十二年來未出山了無消息到人間相逢

### 義甯州志

### 卷三十七

雜類志釋

五

盡道拈花旨未委何人解破顏四眾忻悅嗣楚蒲紳士敦  
請開法上方未幾澗中弁山請繼祖席退院掃墓廣陵檀  
護遶留說法平山是歲壬寅署篆林司馬以雲巖人被兵  
燹迎師主席於是百廢具興會太守葉公按州過雲巖問  
道見啟諸天羅漢輒問師還成諸天是還成羅漢是師曰  
應身無量是機神乎契相得甚歡而州牧徐公永齡尤尊  
禮之有語錄刻行

僧法雨四川人前明舉鄉試滄桑後遯跡浮屠順治中任大

湖山寺上雋王侍御應斗寓柘原曾訪之贈以詩

詳藝文雨

亦有紫袍金帶拖泥水惹得先生上九峯之句蓋次侍御



韻也

甯拙拾遺

本圖字蛤菴大覺國師高足嘗隨國師赴

世祖召蒙 顧問康熙初居通城鳳山寺寺鄰甯州甯之龍安

山有堯率禪院故黃龍分席代久而圯居人聞蛤庵至迎

之癸丑春遂入院既而吳中迎住吳江羅漢寺終以不忘

堯率伺兵革稍閒往來若干年甲子三月應

和碩安親王請住西山隆恩寺

聖祖幸潭柘 敕侍臣召之引 見於 玉泉行在 賜飲

命賦詩徹所薦含桃食之

問宗旨甚契遂 賜

義甯州志

卷三十七

雜類志釋

三

宸翰傳 旨任潭柘遷天龍寺是歲十二月三日示寂所著有

語錄湘谿集湘谿別集朝臺十二偈行世

毛西河集

平吉康熙中雲巖寺住持僧行頗高有詩集名破履聲亦佳

甯拙拾遺

空谷者雲巖寺方丈僧也頗高潔解禪意咸豐五年粵逆薄

城空谷率徒眾伐鼓擊鉦日夜巡守城陷死之

雪崖字正安性雅潔酷愛詩書一時文人學士多與之游著

有梵餘小草詩集

警鈴字文耀鰲峯寺住持性寂靜常枯坐參禪理足迹不妄

出門外書法摹趙文敏蘭傲鄭板橋均得大意尤精形家



術造葬家遠近就質焉

牟六字獻策崇鄉夏家屋人弱歲受戒禪居崇恩寺博覽羣  
書善吟咏遍遊諸名勝嘗登黃鶴樓題楹帖云此地有仙  
騎鶴到重樓招我帶詩來過望湖亭畱句云半壁河山新  
故蹟萬家煙火悟浮生天然逸趣真不食人間煙火者後  
脫化於天柱山